

den soll / darüber ich die Ziegel zu schlagen gelehret hab / wie die Figur mit dem Buchstaben A anzeu- gen wirdt / von gutem Mössing giessen / darzu auch eine Hülsen / wie mit B angewiesen / darin der Kern oder Patron des Ziegels schliesse / doch also / daß der Kern nicht zu tieff in Hülsen gehe / sondern auff's wenigste eines Fingers dick / nicht auff den Grund reiche / vnd wann man sehr grosse Ziegel machen will / müssen die Böden noch dicker werden / wie dich dann die Übung lehren wirdt. Wann man nun Ziegel machen will / so schlägt man die Erden umb die Patron / gleich oben bey der gemeinen Weiß beschrieben ist / vnd nimbt solches wieder da- von / läßt denselben an der Luft halb trucken wer- den / darnach / wann man solcher so viel hat auß dem groben gemacht / als man haben will / so macht man die Kernen von dem Sand vnd Erden fein rein vnd sauber / vnd schmieret denselben mit einer Speckschwarten oder Schwämlein / welches in Del generet sey / deß gleichen das eufferste Theil der Formen inwendig allenthalben wol / vnd stecket in die Hülsen den halb außgemachten vnd halb tru- ckenen Ziegel / vnd setzet den Kern darauff / vnd schlägt mit einem schweren hölzern Hammer zwey oder drey mahl hart auff den Stiel des Kerns / so treibt sich durch das schlagen die Erden allenthal- ben fein dicht vnd glatt in die Patron / wann solches geschehen / so ziehe den Kern heraus / vnd fehr die Hülse / darinn der Ziegel stecken bleibt / umb / vnd stoß dieselbe ein wenig auff eine seiten auff die Banck /